



Umaso Wathu Wacikristu na Utumiki

PROGRAMU YA MISONKHANO

Mafala Akukhonda Nentsa Toera Kutomesa Makani

●○○ ULENDU WAKUTOMA

Mbvundzo: Kodi Bhibhlya inaphedza tani anyakumanga banja?

Lemba: Akol. 3:12

Siyani mbvundzo uyu: Kodi Bhibhlya inaphedza tani anyakubala?



○○● ULENDU WAKUBWEREZA WAKUTOMA

Mbvundzo: Kodi Bhibhlya inaphedza tani anyakubala?

Lemba: Akol. 3:21

Siyani mbvundzo uyu: Kodi Bhibhlya inaphedza tani aphale na atsikana?



○○● ULENDU WAKUBWEREZA WACIWIRI

Mbvundzo: Kodi Bhibhlya inaphedza tani aphale na atsikana?

Lemba: Mis. 2:11

Siyani mbvundzo uyu: Thangwi yanji uphungu wa Bhibhlya usaphata basa ndzidzi onsene?

- Nyimbo 18 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- **“Pangizani Kuti Musapereka Takhuta”:** (mph. 10)
Luk. 17:11-14—Yezu awangisa anyamatanya khumi (*nwtsty* pidzindikiro pya pfundziro pa Luk. 17:12, 14)
Luk. 17:15, 16—Basi ene m’bodzi ndi adabwerera toera kudzapereka takhuta kuna Yezu
Luk. 17:17, 18—Citsandzo ceneci cisapangiza kufunika kwa kupereka takhuta (*w08* 1/8 14-15 ¶18-9)
- **Kusaka Mpfuma Zauzimu:** (mph. 8)
Luk. 17:7-10—Kodi Yezu akhafuna kulonganji na nsangani unoyu? (*nwtsty* cidzindikiro ca pfundziro pa Luk. 17:10)

Luk. 18:8—Ndi ntundu upi wa cikhulupiro ukhalonga Yezu pa vesi ineyi? (*nwtsty* cidzindikiro ca pfundziro)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe pakuleri kwanu Bhibhlya sumana ino?
- **Kuleri Bhibhlya:** (mph. 4 peno zakucepta) Luk. 18:24-43

PFUNDZISANI MWALUSO MU UTUMIKI

- **Vidhyu Toera Kupangiza Ulendo Wakutoma:** (mph. 4)
Mungamala kuipangiza, phembani anyakubvesera toera alonge ntsonga zikulu zidapfundza iwo.
- **Ulendo Wakubwereza Wakutoma:** (mph. 3 peno zakucepta)
Phatisirani khundu yakuti mafala akukhonda nentsa toera kutomesa makani.
- **Pfundziro ya Bhibhlya:** (mph. 6 peno zakucepta) *fg* nsolo 4 ¶1-2

KUKHALA MASO NINGA AKRISTU

- Nyimbo 39
- **“Kumbukani Nkazi wa Loti”:** (mph. 15) Nkhani yakucedza.
- **Pfundziro ya Bhibhlya ya Mpingo:** (mph. 30) *jy* nsolo 32
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 117 na Phembero


LUKA 17-18 | Pangizani Kuti Musapereka Takhuta



Luk. 17:11-18

Kodi cacukitika ceneci ca m’Bhibhlya cisatipfundzisanji thangwi ya kufunika kwa kupereka takhuta?

- Ife nee tisafunika kukomerwa basi ene anthu angaticitira pyadidi, mbwenye tisafunikambo kupereka takhuta
- Kupereka takhuta na ntima onsene ndi cipangizo cakuti tapfundziswa mwadidi, pontho kusapangiza ufuni Wacikristu
- Tingafuna kukomeresesa Kristu, tisafunika kupangiza ufuni kuna anthu onsene, pontho tisafunika kupereka takhuta angaticitira pyadidi, mwakukhonda tsalakana dzindza yawo, ntundu peno uphemberi wawo

 Ndi upi ulendo wakumalisa udapereka ine takhuta kuna munthu andiphedza?

Ndi upi ulendo wakumalisa udalembera ine munthu tsamba yakupereka takhuta?



Kumbukani Nkazi wa Loti



Thangwi yanji nkazi wa Loti ayang'ana nduli pikhathawa iye mu Sodhoma? Bhibhlya nkhaba pereka ntawiro. (Gen. 19:17, 26) Mbwenye mavesi mangasi a nduli, Yezu mbadzati kupereka cenjezo ineyi, asapangiza kuti panango iye akhanyereze- ra kakamwe pinthu pidasiya iye nduli. (Luk. 17:31, 32) Mphapo ife tinacalira tani kuluza uxamwali wathu na Mulungu ninga pidacita nkazi wa Loti? Ife nee tisafuni- ka kuikha mpfuma zathu pa mbuto yakutoma. (Mat. 6:33) Yezu apfundzisa kuti ife 'nkhaba kwanisa kutumikira Mulungu na Mpfuma' mu ndzidzi ubodzi ene. (Mat. 6:24) Kodi tisafunika kucitanji tingadzindikira kuti cifuno cakukhala na mpfuma catoma kupingiza pinthu pyauzimu? Tisafunika kuphamba Yahova toera atiphedze kuona makhundu anafunika ife kucita macinjo, pontho atipase cipapo na mphambvu yakucita pyenepe.

ONANI VIDHYU YA MAKHUNDU MATATU YAKUTI *KUMBUKANI NKAZI WA LOTI*, BULUKA PENEPO TAWIRANI MIBVUNDZO IYI:

- Kodi kukakamizwa toera kukhala na kobiri izinji kwacinja tani manyerezero, malongerero na macitiro a Gloria?

- Kodi citsandzo ca nkazi wa Loti cisatipfundzisanji lero?

- Kuphatisira midida ya Bhibhlya kwaphedza tani Djoni na banjace?

- Axamwali akubasa a Yana acitisa tani kuti uxamwali wace na Yahova uthowe?

- Thangwi yanji tisafunika kukhala acipapo tingakakamizwa toera kuikha kobiri pa mbuto yakutoma mu umaso?

- Kodi Jaimi na Gloria akwanisa tani kuikha pontho pinthu pyauzimu pa mbuto yakutoma?

- Ndi midida ipi ya Bhibhlya idagomezerwa mu vidhyu ineyi?



Kodi ndinapangiza
tani kuti 'ndisakumbuka
nkazi wa Loti'?

- Nyimbo 84 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- “Tisapfundzanji na Nsangani wa Yezu Unalonga Pya Kobiri Khumi za Parata” (mph. 10)

Luk. 19:12, 13—‘Mamuna unango wakuti ndi mwana wa mambo’ apanga anyabasace toera acite malonda na kobiri ze-nezi mpaka kubwerera kwace (jy 232 ¶2-4)

Luk. 19:16-19—Anyabasa akukhulupirika akhali na maluso akusiyana, mbwenye onsene atambira nkhombo (jy 232 ¶7)

Luk. 19:20-24—Nyabasa wakuipa aluza pikhali na iye thangwi akhali wakupolola (jy 233 ¶1)

- Kusaka Mpfuma Zauzimu: (mph. 8)
Luk. 19:43—Kodi mafala a Yezu akwanirisika tani? (nwtsty cidzindikiro ca pfundziro)

Luk. 20:38—Mafala a Yezu asawangisa tani cinyindiro cathu thangwi yakulumuswa kwa anthu muli akufa? (nwtsty cidzindikiro ca pfundziro)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe pakuleri kwanu Bhibhlya sumana ino?

- Kuleri Bhibhlya: (mph. 4 peno zakucepta) Luk. 19:11-27

PFUNDZISANI MWALUSO MU UTUMIKI

- **Ulendo Wakutoma:** (mph. 2 peno zakucepta) Phatisirani khundu yakuti mafala akukhonda nentsa toera kutomesa makani.
- **Vidhyu Toera Kupangiza Ulendo Wakubwereza Wakutoma:** (mph. 5) Mungamala kuipangiza, phembani anyakubvesera toera alonge ntsonga zidapfundza iwo.
- **Nkhani:** (mph. 6 peno zakucepta) w14 1/8 31-32—Nsolo: Kodi Mafala a Yezu Anagumanika pa Luka 20:34-36 Akhalonga Pya Ale Anafuna Kulamuswa Toera Kukhala pa Dziko Yapantsi?

KUKHALA MASO NINGA AKRISTU

- Nyimbo 83
- “Kuthimizira Maluso Athu mu Utumiki—Kuphatisira JW.ORG”: (mph. 15) Nkhani yakucedza. Pangizani vidhyu.
- **Pfundziro ya Bhibhlya ya Mpingo:** (mph. 30) jy nsolo 33
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 116 na Phembero


LUKA 19-20 | Tisapfundzanji na Nsangani wa Yezu Unalonga Pya Kobiri Khumi za Parata

Luk. 19:12-24

Kodi anthu analongwa mu nsangani unoyu asaimirira ani?

- 1 Mamuna wakuti ndi mwana wa mambo asaimirira Yezu
- 2 Anyabasa asaimirira anyakupfundza akudzodzwa a Yezu
- 3 Kobiri idapaswa anyabasa na mwana wa mambo, peno mbuyawo, isaimirira mwai wakupambulika wakucita anyakupfundza

Nsangani unoyu usapangiza pinafuna kucitikira anyakupfundza akudzodzwa a Kristu angapangiza makhaliro a nyabasa wakuipa. Yezu asafuna kuti anyakupfundzace aphatisire mwadidi ndzidzi wawo, mphambvu zawo na mpfuma zawo toera kuphedzera basa yakucita anyakupfundza.

 Kodi ndinatoweza tani kukhulupirika kwa Akristu akudzodzwa m'basu yakucita anyakupfundza?



- Nyimbo 27 na Phembero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- **“Cipulumuso Canu Ciri Cifupi”:** (mph. 10)
Luk. 21:25—Nkati mwa nyatwa ikulu munadzacitika pinthu pyakudzumatorisa kakamwe (kr 226 ¶9)
Luk. 21:26—Anyamalwa a Yahova anadzagopa kakamwe
Luk. 21:27, 28—Kubwera kwa Yezu kunadzacitisa kuti anthu akukhulupirika apulumuswe (w16.01 10-11 ¶17; w15 15/7 17 ¶13)
- **Kusaka Mpfuma Zauzimu:** (mph. 8)
Luk. 21:33—Kodi mafala anewa a Yezu anakwanisa kupa-ganzanji? (nwtsty pidzindikiro pya pfundziro)

Luk. 22:28-30—Ndi cibverano cipi cidacita Yezu, acitita na ani, pontho thangwi yanji iye acita cibverano ceneci? (wp14 1/10 19-20 ¶15-16)

Mwapfundzanji thangwi ya Yahova pakuleri kwanu Bhibhlya sumana ino?

Ndi mpfuma zipi zinango zauzimu zidagumana imwe paku-leri kwanu Bhibhlya sumana ino?

- **Kuleri Bhibhlya:** (mph. 4 peno zakucepta) Luk. 22:35-53

PFUNDZISANI MWALUSO MU UTUMIKI

- **Ulendo Wakutoma:** (mph. 2 peno zakucepta) Phatisirani khundu yakuti mafala akukhonda nentsa toera kutomesa makani. Buluka penepo, pangizani kuti munatawira tani munthu angakugwandani mafala.
- **Ulendo Wakubwereza Wakutoma:** (mph. 3 peno zakucepta) Phatisirani khundu yakuti mafala akukhonda nentsa toera kutomesa makani. Buluka penepo pangizani kuti munatawira tani mwanaciro nyumba angalonga kuti ali wakuphatika.
- **Vidhyu Toera Kupangiza Ulendo Wakubwereza Waciwiri:** (mph. 5) Mungamala kuipangiza, phembani anyakubvesera toera alonge ntsonga zidapfundza iwo.

KUKHALA MASO NINGA AKRISTU

- Nyimbo 136
- **Pyakufuna Pyapampingo:** (mph. 15)
- **Pfundziro ya Bhibhlya ya Mpingo:** (mph. 30) jy nsolo 34
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 41 na Phembero

LUKA 21-22 | ‘Cipulumuso Canu Ciri Cifupi’



Luk. 21:25-28

Thimize pano Yezu anabwera toera kudzafudza anthu anacita pyakuipa mbapulumuswa anthu akubvera. Ife tisafunika kukhala akukhunganyika mwauzimu toera tikhale na cinyindiro cakuti tinadzapulumuswa.

TINAKHUNGANYIKA TANI?

Tisafunika kupitiriza **KUNYINDIRA YAHOVA,**

wakuti asatipasa **CIPAPO,**

cipapo cinatiphedza toera kukhala na **MAONERO AKULINGANIRA,**

maonero akulinganira na **KUFUNA KWATHU ABALE ATHU ONSENE**

kunatiphedza toera **TIWANGISE** anyakukhulupira andzathu

- Nyimbo 130 na Phebbero
- Mafala Akutoma (mph. 3 peno zakucepta)

MPFUMA ZA MAFALA A MULUNGU

- “Khalani Dzololo Toera Kulekerera Anango”: (mph. 10)
Luk. 23:34—Yezu alekerera anyankhondo Aciroma ada-n’khomea pamuti (cl 297 ¶16)
Luk. 23:43—Yezu alekerera phanga (g 2/08 11 ¶5-6)
Luk. 24:34—Yezu alekerera Pedhru (cl 297-298 ¶17-18)
- Kusaka Mpfuma Zauzimu: (mph. 8)
Luk. 23:31—Panango Yezu akhafuna kulonganji pa vesi ineyi? (nwtsty cidzindikiro ca pfundziro)

Luk. 23:33—Kodi piripo pinapangiza kuti anthu akhaphiwa mukukhomerwa na maperego pamuti? (nwtsty cithundzithundi)

Mwapfundzanji thangwi ya Yahova pakulera kwanu Bhibhlya sumana ino?

Ndi mpfuma zipi zinango zauzimu zidagumana imwe pakulera kwanu Bhibhlya sumana ino?

- Kuleri Bhibhlya: (mph. 4 peno zakucepta) Luk. 23:1-16

PFUNDZISANI MWALUSO MU UTUMIKI

- **Ulendo Wakubwereza Waciwiri:** (mph. 3 peno zakucepta) Phatisirani khundu yakuti mafala akukhonda nentsa toera kutomesa makani. Buluka penepo pasani mwanaciro nyumba ibodzi mwa mabukhu anaphatisira ife toera kupfundzisa yakuti isabverana na makhaliro ace.
- **Ulendo Wakubwereza Wacitatu:** (mph. 3 peno zakucepta) Sankhulani lemba toera kuileri, buluka penepo mpaseni bruxura peno bukhu inaphatisira ife toera kucitisa pfundziro ya Bhibhlya.
- **Pfundziro ya Bhibhlya:** (mph. 6 peno zakucepta) fg nsolo 4 ¶3-4

KUKHALA MASO NINGA AKRISTU

- Nyimbo 20
- “Yezu Aferambo Abale Anu”: (mph. 15) Nkhani yakucedza. Pangizani vidhyu yakuti *Torne-se Uma Pessoa Mais Bonita!* (Pitani mu tv.jw.org, na sakani pa VIDEOS > A BIBLIA > COMO APLICAR PRINCÍPIOS BÍBLICOS).
- **Pfundziro ya Bhibhlya ya Mpingo:** (mph. 30) jy nsolo 35 ¶1-11
- Kugomezera Ntsonga Zikulu Zidapfundzwa na Kulonga Zinafuna Kupfundzwa Sumana Inafuna Kudza (mph. 3)
- Nyimbo 82 na Phebbero


LUKA 23-24 | Khalani Dzololo Toera Kulekerera Anango



Luk. 24:34

Kodi pisabvekanji kukhala dzololo toera ‘kulekerera’ anango? (Masal. 86:5) Yahova na Mwanace asayang’ana mwacidikhodikho anthu onsene adacita madawo toera angaona cidzindikiro cakuti iwo atcunyakadi, aalekerere.



 Mbani anafunika ine kulekerera?

Yezu Aferambo Abale Anu



Yezu apereka umaso wace ninga ntsembe toera kupulumusa anthu akusowa ungwiro. (Arom. 5:8) Mwakukhonda penula ife tisapereka takhuta kuna Yezu thangwi ya ufuni wace udapangiza iye kuna ife. Mbwenye m'mi-dzidzi inango, tisafunikambo kukumbuka kuti Kristu aferambo abale athu. Kodi ife tinapangiza tani ufuni wathu kuna abale na alongo ninga pidacita Kristu? Tendeni tione njira zitatu. Yakutoma, tisafunika kucita uxamwali na abale na alongo akuti ali na makhaliro akusiyana na athu. (Arom. 15:7; 2 Akor. 6:12, 13) Yaciwiri, tisafunika kucalira kulonga peno kucita pinthu pyakuti pinatsukwalisa anango. (Arom. 14:13-15) Yacitatu, munthu angati-dawira tisafunika kumulekerera mwakucimbiza. (Luk. 17:3, 4; 23:34) Tingawangisira kutoweza Yezu munjira zenezi, Yahova anapitiriza kupasa nkhombo mpingo, pontho pyenepi pinacitisa kuti ukhale wakuphatana na wantendere.

ONANI VIDHYU YAKUTI TORNE-SE UMA PESSOA MAIS BONITA! BULUKA PENEPO TAWIRANI MIBVUNDZO IYI:

- Kodi pakutoma Niki akhaona tani mpingo unasonkhana iye?

- Ninji cidam'phedza toera kucinja maonero ace?

- Kodi citsandzo ca Yezu caphedza tani Niki toera kucinja maonero ace? (Mark. 14:38)

- Lemba ya Misangani 19:11 inatiphedza tani toera kuona Akristu andzathu munjira yadidi?



TOERA KUNYEREZERA MWACIDIKHODIKHO:

Kodi ndiciri kukoya pinthu pyakuipa muntima pidacitirwa ine, m'mbutu mwakulekerera na ntima onsene?

KUTHIMIZIRA MALUSO ATHU MU UTUMIKI Kuphatisira JW.ORG



THANGWI YANJI MPHYAKUFUNIKA: Mabukhu athu onsene anaphatisira ife toera kupfundzisa asalonga pya jw.org. Mwandimomwene cifuniro cikulu ca nce-merero wakupita nawo mu jw.org na tratadho yakuti *Tinagumana Kupi Matawiro a Mibvundzo Mikulu Thangwi ya Umaso?* ndi kuphedza anthu toera apite mu site yathu. Imwe munakwanisa kutumizira munthu ibodzi mwa mabukhu anaphatisira ife pakupfundzisa anagumanika mu jw.org mukuphatisira *e-mail* peno mukuntumizira *link* toera afungule ekha site yathu. Pyenepi pinatiphedza kakamwe makamaka tingamwaza mphannga kuna munthu analonga cilongero cina-ngo. Kusiyo pyenepi, m'midzidzi inango anthu asacita mibvundzo yakuti nkhaba kutawirwa m'mabukhu anaphatisira ife pakupfundzisa. Natenepe, tingadziwa kuphatisira site yathu, tinaphedza anthu azinji kakamwe m'basa yathu yakumwaza mphannga.

TINACITA TANI PYENEPI:

- ▶ **Phatisirani khundu yakuti “PIPFUNDZISO PYA M'BHIBHLYA.”** Nyerezerani kuti mukumwaza mphannga kuna nyakubala wakuti asafuna kudziwa piz-nji thangwi ya kukuza anapiana. Phatisirani khundu yakuti *PIPFUNDZISO PYA M'BHIBHLYA* > *ANYAKUMANGA BANJA NA ANYAKUBALA*.
- ▶ **Phatisirani khundu yakuti “MABUKHU.”** Nyerezerani kuti mukupereka umboni wantsusukano kuxikola, pontho musafuna kugawira bruxura yakuti *Matawiro a Mibvundzo 10 Inacita Aphale na Atsikana* kuna ndzanu wa kuxikola. Phatisirani khundu yakuti *MABUKHU* > *MABUKHU NA MABRUXURA*.
- ▶ **Phatisirani khundu yakuti “QUEM SOMOS.”** Nyerezerani kuti mukucedza na ndzanu wakubasa wakuti asafuna kakamwe kudziwa thangwi ya pinakhulupira ife. Phatisirani khundu yakuti *QUEM SOMOS* > *PERGUNTAS FREQUENTES*.

ONANI VIDHYU YAKUTI USE O JW.ORG, BULUKA PENEPO NYEREZERANI KUTI MUNAPHATISIRA KHUNDU IPI YA SITE TOERA KUPHEDZA:

- munthu wakuti nkhaba khulupira Mulungu

- munthu adagwerwa na cidengwa cincino

- m'bale peno mulongo wakufewa mwauzimu

- munthu anacitira imwe ulendo wakubwereza wakuti asafuna kudziwa kuti basa yathu isaphedzerwa tani

- munthu wa dziko inango wakuti asafuna kugumanika pa misonkhano ku dziko yace



mwb18.08-SEN
180406